



00020

陸贄字蔚字全字集

渭南文集

50

劍南詩彙

85

逸藁2南唐書

19

家世舊聞

家世舊聞

傳

陸蔣字務觀越州坐陰及車十二版詩文

陸蔣字務觀越州坐陰及車十二版詩文

陸蔣字務觀越州坐陰及車十二版詩文

陸蔣字務觀越州坐陰及車十二版詩文

始赴福州寧德簿以薦者除敕令所刪定

官時楊存中久掌禁旅蔣力陳非便上嘉

傳一

汲古閣

吳善遂罷存中中賢必有市北方珍玩以

進者蔣奏陛下臥損名壘盲經翰墨外

屏天不御小臣不體醒意輒私買珍玩虧

損醒德乞嚴行禁絕應詔言非宗室外家

雖竇有勛勞曷得輒加王爵頃者言臥師

傳丙頴殿前都指揮使瓊有臥太尉丙頴

閣門事瀆亂名器乞加訂正遷大理寺司

直兼宗正簿孝宗即位遷樞密院編脩官
兼編類聖政所檢討官史浩黃祖舜薦游
善詞章語典故召見上白游升學士聞言
論剴切遂賜進士出身人對言陛下初即
位乃信詔令以示人之時而官吏將帥一
切翫習宜取其尤沮格者兵衆棄之相議
將成游又臥書曰二府曰江左自吳以來
傳二

汲古閣

未有捨建康他處者駐蹕臨安出於權宜
形勢不固饋餉不優海道逼近凜然意外
之憂一櫺之後盟誓已立動言拘礙今當
與之約建康臨安皆係駐蹕之地北使翰
聘或就建康或就臨安而此則我得以暇
時建都立國彼不我疑時龍大淵曾覲用
事游爲樞臣張燾言覲大淵招權植黨熒

惑駭聽占及今不言異曰將不可忝燾遽
以間上詰語所自來燾臥游對上怒出通
判建康府尋易隆興府言者論游交結臺
諫鼓唱是非力說張浚用兵免歸久之通
判夔州王炎宣撫川陝辟爲幹辦公事游
爲炎陳取進之策以爲經略中原必首長
安始取長安必自隴右始當積粟練兵資

傳三

汲古閣

釁則攻無則守吳璘子挺代掌兵頗驕恣
傾財結士屢以過誤殺之炎莫誰何游請
臥玠子拱代挺炎曰拱怯而寡謀遇敵必
敗游曰使挺遇敵安保吳不敗就令有功
愈不可駕馭及挺子曦僭叛游言始驗范
成大帥蜀游竄參議官以文字交不拘禮
法心譏其類放囚盲號放翁後累遷江西

常平提舉江西北災奏撰義倉賑瀝檄諸
郡糞粟以孚民名還給事中趙汝愚駁之
遂并祠起知嚴州過闕陛辭上諭白嚴陵
山水勝處職事之暇可臥賦詠自適再召
人見上白燉筆斤回翰是善非佗人可及
除軍器少監紹熙元年遷禮部郎中兼審
錄院檢討官嘉泰二年臥序宗光宗兩翰
傳四終

· 汲古閣

睿錄及三翰史未就詔游權同修國史睿
錄院同修撰免奉朝請尋兼秘書監三年
書成遂陞寶章閣待制致仕游才氣超逸
尤長於詩晚年再出蒞韓侂胄撰南園閱
古泉記見譏濟議朱熹嘗言果能太高遠
太近恐爲冒斤者所牽挽不得全其晚節
蓋有先見之明焉嘉定二年卒年八十五

跋

先太史之文於古則詩書左氏莊騷史漢于
唐則韓昌黎于本朝則曾南豐是所取法然
牽賦宏夫造詣深遠故落筆成文則自然自
為一家人蓋測其涯溪蓋於學者皆能誦劍
南之詩續稟隆家藏書亦多傳寫惟遺文自
先夫史未病時故已編輯而名以渭南矣弟
學者多未之見今別為五十卷凡命名及次

渭南文集跋

汲古閣

第之首皆出遺書今不敢紊乃鈔梓溧陽學
宮以房其傳渭南者晚封渭南伯乃自號為
陸渭南嘗謂子適白劍南乃詩家事不可施
於文故別名謂南如入蜀記牡丹譜樂府詞
本當別行而異時或至散失宜用廬陵所刊
歐陽公集例附于集後此皆子適嘗有疑而
請問者故備著于此嘉定十有三年十一月
壬寅幼子承事郎知建康府溧陽縣主簿勸

農事子通謹書

放翁富于文辭諸體具備惜其集罕見于世馬氏通考載渭南集三十卷今不傳邇來吳中士夫有抄而秘其本者亦頗無詮次紹興郡有刻本去入蜀記瀕增詩九卷據翁命子云詩家事不可施于文况十僅一二耶既得光祿華君活字印本渭南文集五十卷乃嘉定中翁幼子適編輯也跋云命名次第皆出遺意但活板多謬多遺因嚴加讎訂并付剞劂自秋徂冬

渭南文集跋

汲古閣

九六月而書成湖南毛晉記

渭南文集總目

卷第一

表二十首

牋七首

卷第二

南宮表牋二十五首

卷第三

劄子十首

卷第四

渭南文集

總目

汲古閣

劄子十二首

卷第五

奏狀八首

以上五卷均編入奏議待酌

卷第六

啓十二首

卷第七

啓十六首

卷第八

啓十六首

卷第九

啓十六首

卷第十

啓十七首

卷第十一

啓二十三首

卷第十二

渭南文集

總目二

汲古閣

啓十五首

卷第十三

書九首

卷第十四

序十七首

卷第十五

序十七首

卷第十六

碑六首

青詞六首

卷第十七

記十三首

卷第十八

贊二十四首

卷記十一首

卷第十九

卷記十首

卷第二十

渭南文集

總目三

汲古閣

記十首

卷第二十一

記十首

卷第二十二

銘七首

贊二十四首

記事一首

卷第二十三

傳三首

青詞六首

疏二十一首

卷第二十四

疏二十九首

祝文二十三首

卷第二十五

勸農文三首

雜書十二首

卷第二十六

跋四十首

卷第二十七

渭南文集

總目四

汲古閣

跋四十九首

卷第二十八

跋四十一首

卷第二十九

跋四十一首

卷第三十

跋四十首

卷第三十一

跋四十七首

卷第三十二

墓誌銘四首

卷第三十三

墓誌銘五首

卷第三十四

墓誌銘四首

卷第三十五

渭南文集

總目五

汲古閣

墓誌銘三首

卷第三十六

墓誌銘六首

卷第三十七

墓誌銘五首

卷第三十八

墓誌銘四首

卷第三十九

墓誌銘二首

墓表五首

壙記一首

卷第四十

增銘八首

卷第四十一

祭文二十一首

哀辭二首

卷第四十二

天彭牡丹譜

渭南文集

總目六

汲古閣

致語六首

卷第四十三

入蜀記第一首

卷第四十四

入蜀記第二

卷第四十五

入蜀記第三

卷第四十六

入蜀記第四

卷第四十七

入蜀記第五

卷第四十八

入蜀記第六

卷第四十九

詞六十七首

卷第五十

渭南文集

總目七

汲古閣

卷詞六十三首

渭南文集總目

終

渭南文集目錄

卷第一

天申節賀表

會慶節賀表

又

瑞慶節賀表

光宗冊寶賀表

皇帝御正殿賀表

皇太子受冊賀表

賀明堂表

謝明堂赦表

謝赦表

謝賜曆日表

又

渭南文集

卷一

汲古閣

福建到任謝表

江西到任謝表

嚴州到任謝表

除寶謨閣待制謝表

轉太中大夫謝表

謝致仕表

落職謝表

逆曦授首稱賀表

光宗冊寶賀太皇太后牋

皇帝御正殿賀皇后牋

皇帝御正殿賀皇太子牋

皇太子受冊賀皇后牋

賀皇太子受冊牋 逆曦授首賀太皇太

后牋

逆曦授首賀皇后牋

渭南文集

卷一 目錄

汲古閣

渭南文集卷第一目錄

終

逆曦授首賀太皇太

渭南文集卷第一

宋 陸 游 務觀

天申節賀表

化國之日舒以長運啓千齡之盛天子有父尊
之至心均萬寓之驩敢卽昌期虔申壽祝

中賀恭

惟太上皇帝陛下宅心清靜受命溥將協氣熏
爲太平華夷銜莫報之德孫謀以燕翼子宗社
侈無疆之休誕敷錫於下民丕靈承於上帝臣
渭南文集
卷之一
汲古閣
方馳使傳阻綴朝班望睟表於雲霄敢恨微蹤
之遠被頌聲於金石尙希薄技之陳

會慶節賀表

有王者興爰啓丕平之運使聖人壽敢忘胥戴
之誠

中賀

恭惟皇帝陛下蕩乎無名建其有極干

戈載戢恩加遼碣之區圉圉一空治格成康之

上歛時百福享國萬年臣迹滯遐陬心馳魏闕

紀虹渚電樞之慶莫厠諸儒演龍宮葢笈之文

徒修故事

又

帝生商而立子有開必先民戴舜以同心無遠
弗屆乾端肇闢嶽貢交修

中賀

臣早以湖海之微

生親見唐虞之盛典蓬轉逾二十年之久每注
想於冕旒嵩呼上千萬壽之時獨阻陪於簪笏
茲膺郡寄復在王畿目瞻佳氣之鬱葱耳聽驩
聲之洋溢永言疎賤已極光榮恭惟皇帝陛下
渭南文集

卷之一
二

汲古閣

煥乎其有堯文粲然而興周道三朝圖籀將還
榮河溫洛之都萬里車書已軼碣石榆林之壤
以仁政廣華夷之德澤以豐年奉郊廟之牲牷
凡曰含齒戴髮之儔均被淪肌浹髓之賜光御
無疆之曆益培有永之年臣猥以分符莫逞造
闕簫韶方奏徒傾就日之心歌頌可陳尙刻齊
天之石

瑞慶節賀表

虹流電繞適當聖作之辰鼇抃嵩呼英效壽祺
之祝敢傾丹悃仰扣睿聰中恭惟皇帝陛下德
當乾符躬有聖瑞東漸西被偉聲教之混同上
際下蟠極仁恩之滲漉帝生商而立子民戴舜
以同心歷考前聞孰逾盛際臣生逢千載仕歷
四朝嶽貢川珍猥預駿奔之末鳶飛魚躍永依
洪造之中

光宗冊寶賀表

渭南文集

卷之一

汲古閣

龜食簞從考廟方嚴於典冊仗全樂備都人咸
覲於禮容聖教茂昭驩聲旁達中恭惟皇帝陛

下道參穹壤德肖祖宗稽周王小毖之求躬虞

帝終身之慕父傳歸子有光盛舉於兩朝天定

勝人果見太平於今日乃咨元老大臣之參訂

兼采議郎博士之討論勒崇垂鴻極高蟠厚臣

在列覩龍飛之旦紬書奏麟趾之篇際遇特殊

等夷罕及旣莫預曲臺之議又阻從屬車之塵

徒有悃誠形於夢想

皇帝御正殿賀表

肅傳清蹕端御昕朝德上際而下蟠澤東漸而西被

中賀

恭惟皇帝陛下體天廣覆如日正中率

禮無違永歎歲月遷流之速嚮明而治勉奮臣民愛戴之心詠太史涓吉之辰采奉常絲絕之議對揚宗社之福爰舉公卿之觴兩曜清明四方抃舞臣農疇齒帝所夢遙華袞光臨雖莫涓南文集

卷之一
四

汲古閣

望火龍黼黻之盛黃麾備設尙想聞金石絲竹之音

皇太子受冊賀表

明詔建儲永爲宗社之本正衙發策顯奮神祇之心國勢奠安輿情闔懌

中賀

恭惟皇帝陛下若

稽古訓駿惠先猷壽考億年誕膺不蔽之福本支萬世坐擁無疆之休存心養性以事天修身齊家而治國迨舉有邦之慶益昭知子之明臣

跡遠周行心馳魏闕命太史十日之吉徒聞播告之傳遣上公持節以行莫預觀瞻之盛儻未辭於聖代尙自力於聲詩

賀明堂表

農扈屢豐協氣方流於縣宇合宮大享曠儀遂舉於中天驛置星馳嵩呼雷動伏以聖神在御祈報間行肆嚴長至之祠一舉上辛之典惟茲宗祀實在季秋旣得萬國之驩心宜罄一精之

渭南文集

卷之一
五

汲古閣

嘉薦

中賀

恭惟皇帝陛下範圍元化斧藻太平采

皇祐之舊章茂建中和之極稽紹興之新制用適古今之宜上帝顧歆殊休叢委臣官縻遐徼心繫明廷考漢家汶上之圖嗟莫陪於潤色繼周頌我將之作尙自力於形容

謝明堂赦表

明堂總章舉曠儀於路寢鈞陳羽衛敷大號於端闈德協穹祇春回海縣中謝恭惟皇帝陛下道

純祖武政酌民言乾文仰法於房心肇稱鉅典
解澤默符於雷雨一洗衆愆統和天人空虛囹
圜臣適乘使傳遠在遐陬奉五百里之驛書徒
深鰲抃上千萬年之聖壽莫綴鳧趨

謝赦表

宣布仁恩發揚孝治觀人心之鼓舞知天意之
協從中謝恭惟皇帝陛下躬舜禹之資履曾閔之
行損又損而至道老吾老以及人一日三朝雖

渭南文集

卷之一
六

汲古閣

極寧親之大養四方萬里尙憂庶獄之亡辜內
廣惠心旁流霈澤雨露所被囹圄一空臣適以
守藩恭聞孚號雖與民欣戴如瞻咫尺之天然
受命禱祈實勞方寸之地

謝賜曆日表

春秋以王而次春丕顯體元之妙閏月定時而
成歲適當頒曆之辰治象一新歡聲四溢中謝恭
惟皇帝陛下道兼倫制化被堪輿念王業之艱

難每急農桑之務察天心之仁愛尤深水旱之
憂誠意旣孚嘉生竝應呼嵩高之萬歲幸覩昌
期陳泰階之六符不勝大願

又

詔班新曆雖舉彝章地近清都獨先下拜恩光
旁燭小已知榮中臣謝聞堯授人時實前民用漢
得天統克協帝心方當重熙累洽之盛時宜謹
體元居正之大典恭惟皇帝陛下凝圖丕赫受

渭南文集

卷之一
七

汲古閣

命溥將齊七政於璿璣昭示太平之象調四時
之玉燭用待來歲之宜爰勅有司以幸天下臣
偶叨牧養獲與布宣職息其憂勸課誓殫於綿
力年運而往功名更感於初心

福建到任謝表

咸造在廷甫遂朝宗之願奉使有指遽叨臨遣
之榮大造難名餘生曷報中謝伏念臣么然薄命

起自窮閭偶以元祐之黨家獲與紹興之朝士

眞人有作景運方開適當宁歎息人才之實難
顧一時豪傑號召而未至首蒙引對面錫殊科
遭逢稀濶之知聳動邇遐之聽豈期蹇薄旋困
沉綿卒繫全度之恩俾獲退藏之分侵尋半世
轉徙兩川三爲別乘之行再忝專城之寄五十
之年已過非復壯心八千之路來歸恍如昨夢
敷陳淺拙應對參差惟譴黜之是宜豈超遷之
敢望此蓋伏遇皇帝陛下道兼倫制澤被堪輿
渭南文集

卷之一
八

汲古閣

念臣畱落有年尚未除於狂態憐臣馳驅無地
空竊抱於愚忠顧雖末路之孤蹤猶玷外臺之
高選臣謹當力息守道深戒瘵官禮樂遠有光
華旣大踰於素望靖美好是正直庶少奮於鴻
私

江西到任謝表

疏恩趣召靡待一人之言改命遣行猶備四方
之使丹衷欲敘雪涕先傾

中謝

伏念

臣

稟資迂愚

立身羈貌偶竊犂鉏之餘暇妄窺述作之淵源
纍然自力於簡編老之將至過矣見稱於流輩
轉而上聞頃入對於燕朝實親承於睿獎然而
異恩賜第弗由場屋之選掄特旨造廷非出公
卿之論薦已分亟投於閑散豈期重累於生成
此蓋伏遇皇帝陛下立賢無方用人唯己一洗
拘攣之積弊廣收魁傑之遺才施及妄庸亦蒙
省錄甫停追詔還畀使擅凡曰自結於上知皆
渭南文集

卷之一
九

汲古閣

俾無蹈於後害海嶽之內纖塵墜露何所用之
父母之愛幼子童孫茂以加此驅馳入境感懼
填膺重念臣樸學守株孤身吊影素乏虬蟬螳
子之助孰爲輪囷蟠木之容愴餘日之安歸抱
微誠而永歎方天子建中和之極用告成功雖
文史近卜祝之間亦息自效尙憑長育不遂棄
捐所願預草漢家檢玉之文未敢遽同堯民擊
壤之作刳肝自訴伏鑽何辭疾痛飢寒仰而呼

天誓靡求於世俗齋戒沐浴可以事帝冀終望於清光

嚴州到任謝表

穿延和之細仗面只尺天佩新定之左符秩二千石叨塵過分感懼交懷

中臣謝

聞明主恩深書

生命薄唐帝之知李白一官不及於生前漢皇之念相如遺稿徒求於身後況如臣輩莫望筭人猥緣一技之卑嘗綴百僚之末雖簪笏久違

澗南文集

卷之一
十一

汲古閣

於昕謁乃姓名猶在於澗衷乘傳來歸兩奉召還之旨懷章欲上亟蒙趣對之榮親降玉音俯憐雪鬢勞其久別蓋寵嘉近侍之所宜勉以屬文實臨遣守臣之未有茲蓋伏遇皇帝陛下睿謨冠古英斷如神肆筆成書千載獨高於聖學刺經作制諸儒絕企於清光以臣夙被化於明時憐臣未廢書於晚歲將激昂其素志故濶略

於往愆臣敢不戴使愚使過之恩念有社有民

之寄憩棠陰而聽訟期無墜於家聲及瓜戍而代歸尚少酬於君賜

除寶謨閣待制謝表

陪衆雋以登瀛已慙薄陋扈六飛而上雍遽踐

高華恩重命輕感深涕霑

中謝

伏念臣材非異稟

家本至寒蒼雅遺書守先臣之孤學莊騷奇作
誦諸老之舊聞竊慕隱居求志之風尤耻譁世
取名之事年運而往道阻且長仕止爲貧適遇

渭南文集

卷之一
十一

汲古閣

四朝之盛際老猶不死遂爲六聖之遺民豈期
垂盡之時更被非常之遇置之儒館命以信書
特寬尸素之重誅不待汗青而加賞茲蓋伏遇

皇帝陛下道兼倫制學備誠明體穹穹厚厚之
仁躋蕩蕩巍巍之治風行雷動號令靡隔於幽
遐魚躍鳶飛久材不遺於疏賤雖耄期之已迫
尚覆商之愈深臣敢不口誦訓辭心銘德澤入
預甘泉之筆橐儻效微勞歸尋杜曲之桑麻終

祈洪造

轉太中大夫謝表

信史奏篇獲紀兩朝之盛恩書馳驛躡躋四品
之崇方醲賞之既行欲牢辭而弗敢始終忝幸
俯仰競慙中謝伏念臣身出窮閭家承孤學披肺
肝而自力雖有素懷賜骸骨以歸休已更累歲
昨被出綸之命起參載筆之遊強耗昏廢忘之
餘均筆削討論之責食常忘事但憂尸素之當

渭南文集

卷之一
十二

汲古閣

誅成本因人乃以汗青而受寵茲蓋伏遇皇帝
陛下奉先思孝守位曰仁夙受命於皇天克肖
其德肆纂圖於列聖無疆惟休永懷弓劍之藏
每切羹牆之慕爰求遺老俾誦舊聞而臣猥以
耄期恭承訓勉愴大父詩書之業久已寂寥讀
元豐文獻之言至於感泣雖迫蓋棺之日敢忘
結草之酬

謝致仕表

持橐甘泉已竊逢辰之幸挂冠神武又叨歸老
之榮加恩俯念於耄年延賞特頒於申命伏讀
絲綸之語曷勝犬馬之情中謝伏念臣家本窮閭
世承孤學雖遇千齡之盛際初無一日之微勞
白首光陰躡冠登瀛之選青雲步武亟陪上雍
之班屬預奏於信書遂祈歸於故里奉祠雖佚
竊食靡安茲洊貢於忱辭始恭承於俞旨至於
特捐異數增賁衰門顧令么微獲被榮耀茲蓋
涇南文集

卷之一
十三

汲古閣

伏遇皇帝陛下仁參化育道極範圍繼粟繼肉
以養賢才祝鯁祝噎以禮耆耄息正元之朝士
寤寐不忘念山陰之老人生存無幾越拘攣於
令甲聳觀聽於薦紳簡編有光世類知勸而臣
抱痾牀第絕望闕廷賤息何能亦忝及親之祿
素風未墜豈無報國之期

落職謝表

叨榮罪大念舊恩深僅鐫筆橐之華猶保桑榆

之景仰慙鴻造下愧公言中謝伏念臣本出故家

初無他技每自求於遠宦豈有意於虛名命之

多艱動輒爲累強起僅餘於數月退歸又閱於

六年齒豁頭童心勦形瘵叫闡請命蒙恩久許

其乞骸飾巾待終視世已同於逆旅敢謂寬平

之邦憲尙令漸盡於里居此蓋伏遇皇帝陛下

勵精大猷惠養遺老念臣生當全盛被六聖之

涵濡憐臣仕遇中興荷三宗之識拔雖名薄責

渭南文集

卷之一
十四

汲古閣

益示殊私臣敢不祇誦訓詞痛懲宿負尸居餘
氣永無再瞻軒陛之期老生常談莫敘仰戴丘
山之意

逆曦授首稱賀表

天無私覆實均父母之仁邦有大刑爰下風雷

之令英斷若神明之速成功無晷刻之淹氛祲

澄清頌聲洋溢中賀臣伏以高皇有作玉室中興

方大戎窺蜀以憑陵賴驍將奮身而守衛念功

無已分閫相承仰累朝寵數之非常雖舉族糜
捐而曷報豈圖小醜自取參夷僭服自如改元
無憚受封割地已北通獯鬻之庭置戍奪符欲
東扼瞿唐之險罪不勝於擢髮誅寧貸於闔門
肆推曠蕩之恩實自聖神之造恭惟皇帝陛下
德配天地功光祖宗覽圖籍而動容每念兩京
之未復奉廟祧而霑涕不忘九世之深讐蠢茲
雛卵之微自投鼎鑊之地人情共憤天討遂加
涇南文集

卷之一
十五

汲古閣

菹醢以賜諸侯雖特寬於漢法頭顱之行萬里
已大震於戎心遙知羣醜宵遁之餘無復竝塞
秋防之警臣身歸南陌名寓西清馳驛四傳徒
快鯨鯢之戮造朝旅賀莫趨鷁鷺之班

光宗冊寶賀太皇太后牋

諏穀旦於清臺著龜允協奉鴻稱於考廟典冊
有嚴慶襲重闡驩騰函寓恭惟太皇太后殿下
道同先后德著累朝閱天下義理之深體坤元

光大之盛密扶睿斷纂修列聖之治功備述先
猷啓迪一人之達孝舉時大典紹國成規臣歛
迹還東馳心拱北紳綏雜遯遙瞻濟濟之賀班
宮闕岖巖徒寄區區之夢境

皇帝御正殿賀皇后牋

聖治聿新爰正路朝之御邦儀丕舉實繫內助
之功盛典告成函生胥慶恭惟皇后殿下道隆
任姒化洽邦家方當守之朝羣臣惟聖時克宜
渭南文集

卷之一
十六

汲古閣

中壺之介萬壽與天同休內騰六寢之驪外副
萬方之望臣久遠近著獲遇昌辰聽丸賓之臚
傳莫陪林舞望五雲之宮闕徒極傾輸

皇帝御正殿賀皇太子牋

清蹕肅九賓之儀方臨當宇寶觴奉萬壽之祝
允屬儲宮邦家有光華裔同慶恭惟皇太子殿
下道隆孝友性極誠剛以大學爲家傳一洗俗
儒章句之陋以密贊爲子職豈獨寢門櫛縱之

恭相此多儀實先百辟某久嬰沉疾已迫頽齡
想廣殿之崇巖莫陪檐翼占前星之明潤徒極
傾馳

皇太子受冊賀皇后牋

壺政憂勤協贊上聖登三之治母慈顧復遂開
東宮明兩之祚汗簡光華函生鼓舞恭惟皇后
殿下道光圖史化被宮闈嗣先后之徽音體柔
祇之厚載媯汭之降二女允謂盛時周臣之止
渭南文集

卷之一
十七

汲古閣

九人實資內助迨此建儲之命益知儷極之尊
臣自去通班久安故里頽齡耄矣莫陪執玉之
趨鉅典煥然不勝拭目之喜

賀皇太子受冊牋

父慈子孝集大慶於我家日吉時良發正衙之
顯冊國勢重於九鼎驩聲達於四方恭惟皇太
子殿下秉德淳明宅心虛靜英姿達識事洞照
於幾先強記博聞言必稽於古訓躬守累朝仁

恕之訓日侍兩宮睟穆之顏歷考古初實爲創
見其夙叨四品垂及九齡爲國老農莫遑濟濟
鵷鸞之列逢時盛典尙懷區區犬馬之心

逆曦授首賀太皇太后牋

叛臣干紀敢萌負固之心密詔行誅不待崇朝
之久慶關宗社喜溢宮庭臣伏以參井之墟古
今重地方高帝東巡之始實羣胡南牧之秋爰
有驍雄服勞疆圉惟列聖念功之意每示優隆

渭南文集

卷之一
十八

汲古閣

度故臣誓報之心豈有窮已蠢茲微孽亦荷異
恩入居宿衛之聯出任師干之寄天所助者順
乃懷悖逆之圖人不食其餘自掇殲夷之譴尙
全遺族實出上恩恭惟太皇太后殿下坤厚資
生母儀燕翼每道先朝之家法助成聖主之性
仁慰在天之靈故誅其孥而無赦廣及物之澤
故宥其族而弗疑臣久屏窮閭猶叨近侍用三
有宅欣逢湯德之寬於萬斯年莫預堯封之祝

逆曦授首賀皇后箴

逆臣負固上貽正寧之憂密詔行誅不待靈旗
之指勲高古晉喜溢宮庭伏以分闡專征本倚
世臣之舊野心叵測輒干邦憲之嚴妖禽自取
於覆巢靡草獨枯於長夏尚加矜貸曲示涵容
故雖同產之親止用徙鄉之典恭惟皇后殿下
道光嫺泐德配坤元侍膳慈闈克謹晨昏之奉
焦心中壺每分宵旰之勞及此成功允爲大慶
渭南文集

卷之一
十九

汲古閣

聳裔夷之觀聽增竹帛之光華臣久已歸耕莫
陪入賀身修家齊國治實由內助之功天時地
利人和行覩外攘之烈

渭南文集目錄

卷第二

丞相率文武百僚請建重明節表

又

立皇后丞相率文武百僚稱賀壽皇表

賀皇帝表

賀皇太后牋

賀壽成皇后牋

賀皇后牋

文武百僚謝春衣表

渭南文集

卷二目

汲古閣

重明節明慶寺丞相率百僚啓建道場疏

開起

賈滿散

賈皇太后牋

立進疏

丞相率文武百僚稱賀壽皇表

會慶節明慶寺丞相率百僚啓建道場疏

丞開起

文武百僚請建重明節表

卷第二

渭南文集目錄

文武百僚謝冬衣表

會慶節丞相率文武百僚賀壽皇表

丞相率文武百僚賀至尊壽皇聖帝冬至
表

丞相率文武百僚賀皇帝冬至表

丞相率文武百僚請皇帝聽樂表

丞相率文武百僚賀皇太后受冊牋

丞相率文武百僚賀壽成皇后受冊牋

渭南文集

卷二目
二

汲古閣

丞相率文武百僚上皇帝賀三殿受冊表

丞相率文武百僚賀壽皇正旦表

丞相率文武百僚賀皇帝正旦表

丞相率文武百僚賀皇帝正旦表

表

丞相率文武百僚賀皇帝正旦表

會慶節丞相率文武百僚賀壽皇表

渭南文集卷第二目錄

終

渭南文集卷第二

丞相率文武百僚請建重明節表

飛龍在天方仰君臨之德流虹繞渚實開聖作
之祥宜紀昌辰用彰盛際恭惟皇帝陛下承謨
丕顯受命溥將致養三宮備本朝之家法叅決
萬務得率土之民心正守初臨積陰頓解於赫
明離之象益昭出震之符臣等不勝大願請以
九月四日爲重明節伏望皇帝陛下俯察羣情
渭南文集
卷之二
汲古閣
亟頒俞旨施尊名建顯號侈穹旻發祥之期披
皇圖稽帝文伸臣民歸美之報著之令甲副在
有司邦家增光天下幸甚

受命若帝之初宜邦彝之悉舉盛德如天之覆
豈人欲之或違比罄忱辭願標令節未回聰聽
曷慰羣情伏以紀千秋之名雖由唐舊允長春
之請則在宋興況今非獨循累代之成規蓋亦

以此侈重華之大慶顯號歟而未講盛旦鬱而弗彰謙雖益光禮則未稱伏望皇帝陛下茂昭鉅典亟發德音漢殿尊榮親奉玉卮之壽周行拊蹈各陳金鑑之書豈惟光簡冊之傳實以副天下之望

又

淵聽未回確爾執謙之意忱辭屢叩歉然歸美之誠彝典不可以久稽衆心不可以屢拂敢控渭南文集

卷之二

汲古閣

喁喁之請再干穆穆之光竊以民之戴君自古有訓禮之飾治後世尤諱惟大德得其名故因誕彌而紀節雖先王未之有亦容增益之隨時當渚虹樞電之辰受岳貢川珍之集乃同常日夫豈人情今者博士議郎固執於廷秩宗奉常各揚其職必期得請疇敢自安伏望皇帝陛下聖度兼容大剛委照帝辭三祝足昭挹損之懷

臣同一心終冀允俞之命

立皇后丞相率文武百僚稱賀壽皇表

北宮移仗方瞻與子之明中禁正名復奉齊家
之訓化行縣宇驩動羣心中賀恭惟至尊壽皇聖

帝陛下盛德日新聖圖天廣雖名持守躬創業
垂統之艱不憚憂勤示詒謀燕翼之法乃者獨
觀道妙將就葆頤猶崇朝親發於德音謂初政
莫先於內治茂建壺則所以垂萬世之典常大
明人倫所以移四方之風俗臣等獲塵朝著親
涓南文集

卷之二

汲古閣

奉睿謨發冊昕廷共仰光華之典稱觴廣殿益
深抃舞之情

賀皇帝表

寶運紹開椒塗首建典冊以時而告具蒼龜協
吉而弗違慶集宮庭懼傳海宇中賀伏以聖人有

作追參堯舜禹之盛時壺範增光上配姜任姒
之至德矧惟內助始自初潛稽女史彤管之言
廣周南關雎之化茲正中宮之位號實出壽皇

之訓謨玉音誕敷汗簡登載求於前世邈矣未
聞顧家國之榮懷宜神祇之安樂恭惟皇帝陛
下仁參蒼昊德被黔黎永惟大學齊家之端先
誠其意推原春秋謹始之義以御于邦故當天
臨之初務先坤載之厚臣等身逢華旦目覩彌
文燕至祀禘行慶則百男之祐雞鳴問寢敢祝
於萬年之休

賀皇太后踐

卷之二
四

汲古閣

渭南文集

聖子問安方極蘭陔之養神孫正內肇新椒掖
之華母道彌尊人情溢喜

中賀

恭惟皇太后殿下

抱神以靜藏心於淵德修螭螭夔濩之中化行
崐崙磅礴之外唐虞盛際迺出一家父子之親
任姒徽音仍見三朝婦姑之法方且享宗社奠
安之福視本支蕃衍之祥於古有光與天無極
臣等幸逢熙運獲綴清班至哉坤元實首彝倫
之敘養以天下益觀孝治之隆

賀壽成皇后牋

盛德繼承爰本親傳之妙中宮崇建式光就養
之尊慶集禁庭驩傳海宇

中賀

恭惟壽成皇后殿

下婦功飭備母道含洪躬老氏之儉慈享周家
之福祿密贊乾剛之斷神器有歸助成離照之
明天心允奮惟每思於靜順故備極於安榮袞
龍兼綵服之紆綸翟煥玉卮之奉貴無倫敵曰
以舒長簡冊燁其有光風俗爲之丕變臣等偶
渭南文集

卷之二
五

汲古閣

逢熙運獲相多儀坤順承天喜徽音之克嗣孫
又有子知壽祉之無窮

賀皇后牋

誕受丕基方正宇凝旒之始協修陰教舉路朝
發冊之儀厚載有光羣情感悅

中賀

恭惟皇后殿

下慶鍾勲闕道媿皇家輔佐積勤實自龍潛之

日休祥有衍早符熊夢之占壽皇所以親發於

德音聖主所以深資於內助副筭奉三殿之養

大練受六宮之朝震耀簡編感移風俗臣等預
聞鉅典實激歡悰法地所以法天仰戴坤儀之
至德事母同之事父曷勝鰲抃之微誠

文武百寮謝春衣表

寶運紹開方謹人時之授寵光下逮俾均春服
之成榮被簪紳歡騰拜舞

中謝

恭惟皇帝陛下凝

圖丕赫撫運重熙租稅所儲靡專一己之奉寒
暑有賜式厚羣臣之恩所以恤其澣濯之私蓋
渭南文集

卷之二
六

汲古閣

將責其忠嘉之報雖舊章之是舉實初政之當
先臣等獲綴班聯恭承錫予去女工之蠹已觀
府庫之充遺天下之衣願廣乾坤之施

重明節明慶寺丞相率百僚啓建道場疏

開起

乾端澄肅時爰及於杪秋離照光明運方隆於
中夏敢輸誠悃仰祝壽齡皇帝陛下恭願宜君
宜王時萬時億泰元增漢帝之筴配天其休洪

範錫神禹之疇與民同福

滿散

肅霜協令方觀萬寶之成繞電告祥實契千齡
之會飭供既周於月律殫誠爰集於廷紳冀憑
薰祓之勤仰報照臨之德皇帝陛下恭願政敷
有截壽格無疆天地人之三才共扶興運堯舜
禹之一道永茂函生

進疏

渭南文集

卷之二
七

汲古閣

大易明兩作離允符繼照之盛太極函三為一
誕擁無疆之休壽何待於禱祠運自臻於熙洽
恭演仙真之祕旨實輸臣子之至情皇帝陛下
恭願化冒羣倫治偕邃古奉親備天下之養履
位處域中之尊至誠之道可以前知方十億萬
年之永命諸福之物莫不畢至豈止百千所之
上聞

會慶節剛慶寺丞相率百僚啓建道場疏

開起

有開必先天地肇興於景運無遠弗届華夷畢
効於貢琛況在周行敢稽壽祝至尊壽皇聖帝
陛下伏願道超古管化洽黔黎端居無黃屋之
心既高揖遜萬彙致綵衣之養彌極尊榮

滿散

電樞肇紀適逢震夙之期月瑄告周游罄延鴻
之禱雖嘉祥之自至顧歸美之敢稽至尊壽皇

渭南文集

卷之二
八

汲古閣

聖帝陛下伏願福等河沙壽踰劫石堯仁舜孝
治功永煥於青編天大佛尊睟表長臨於黼辰

進疏

天爲羣物之祖可謂極尊壽居五福之先實歸
上聖脫屣親傳於大寶頤神方御於殊庭敢率
羣倫恭培睿算至尊壽皇聖帝陛下伏願誕膺
戩穀端拱穆清以八千歲而爲春永享舒長之
景十七百年而過曆茂隆貽燕之祥

文武百僚謝冬衣表

霜露既降著孟冬始裘之文法制具存舉九月授衣之令進趨檐翼拜舞光華

中謝

恭惟皇帝陛下

大度并包至仁滲漉及是月也初有祁寒之虞念無衣今俾膺好賜之厚疏恩榮於在列斥府庫之餘藏臣等誤荷選掄獲霑錫予覩萬里農桑之業共樂時平誦羣臣幣帛之詩誓圖忠報

渭南文集

卷之二
九

汲古閣

會慶節丞相率文武百僚賀壽皇表

錫羨無疆丕顯生商之旦成功不處適當命禹之時熙運親逢羣情胥慶

中賀

恭惟至尊壽皇聖

帝陛下仁涵動植道配堪輿詩書所稱何有加卓爾規模之大唐虞之際斯爲盛超然揖遜之風積勤致王業之成端拱視天民之阜豈特極高而蟠厚固已勤崇而垂鴻臣等誤寘周行久陶聖化蓬萊隔弱水三萬里獲進謁於殊庭上

古有大椿八千秋冀默符於睿算

丞相率文武百僚賀至尊壽皇聖帝冬至
表

化國之曰舒以長一陽初復天子之父尊之至

萬壽維祺亞歲肇新羣心胥悅

中賀

恭惟至尊壽

皇聖帝陛下道兼倫制化極範圍剛長而亨周

測土圭之景功成則退堯無黃屋之心薰然慈

孝之兼隆允矣古今之莫及方且內享視膳問

渭南文集

卷之二
十

汲古閣

安之大養外騰重熙累洽之頌聲風動華夷光
昭竹帛臣等幸逢盛際獲造昕廷斗建子以定
時是爲嘉會星拱辰而在列同罄丹誠

丞相率文武百僚賀皇帝冬至表

一之曰以授時黃鐘合律萬斯年而介福赤伏

膺符慶集邦家驩騰海寓

中賀

恭惟皇帝陛下仁

同乾覆道協時察旦復旦以重光邦圖有永新

又新而不倦帝德難名默觀造化之機自得財

成之妙清心省事成歸根反本之功任賢去邪
體進陽消陰之象臣等幸逢熙運獲邇威顏和
氣先回豈待葭灰之應豐年已兆敢陳雲物之
占

丞相率文武百僚請皇帝聽樂表

祖廟寧神歲游更於燧火禮經有制時當備於
簫韶敢控微衷上千淵聽伏以中月而禪壽皇
已循不易之規逾年改元聖主方受惟新之命

渭南文集

卷之二
十一

汲古閣

儻未舉鈞天之奏何以慰率土之懷伏望皇帝
陛下俯察忱辭仰稽典故欲聞五聲八音六律
以復朝廷之常親帥三公九卿諸侯共致慈闈
之請笙鏞以間而人神喜琴瑟在御而心體安
茂昭庶政之惟和孰謂太平之無象奉萬年之
觴於廣殿及此首春撞千石之鐘於大庭震於
四海

丞相率文武百僚賀皇太后受冊牋

獻歲發春太史奏元龜之吉展案錯事東朝慶
大典之成佳氣一新驪聲四溢

中賀

恭惟壽聖皇

太后殿下聰明睿智壽富康寧踐履艱難佐高
廟廓清之烈遵行恭儉啓壽皇詒燕之圖肆因
初元祗奉顯冊璽篆蟲魚之古樂陳鐘磬之和
內而百官有司方屏息而觀盛事外則萬方黎
獻咸拜手而頌閔休載稽前聞可謂盡美臣等
偶叨在列獲際升平有子而又有孫共仰本支
渭南文集

卷之二
十二

汲古閣

之盛視今猶之視昔前知竹帛之傳

丞相率文武百僚賀壽成皇后受冊牋

宮壺塗椒德配重華之盛冊書鏤玉禮行路寢

之巖聖孝益隆輿情交慶

中賀

恭惟壽成皇后殿

下儉慈性稟柔順躬行至哉坤元象服早光於

內治養以天下寢門方奉於母儀今者稽參六

籍之文博盡諸儒之議建此顯號邁於前聞仰

惟貴無敵而富無倫是謂仁之至而義之盡

臣

等偶緣在列獲遂逢時紀媯汭塗山之興幸窺
簡牘繼生民息齊之作尚播聲詩

丞相率文武百僚上皇帝賀三殿受冊表

重慶有光仰東朝之慈愛雙親竝奉極北內之
尊榮正歲肇新彌文告備邦家之喜夷夏所同
賀中伏以堯舜禹之相承蓋非一姓姜任妣之善
繼又不同時參稽前聞孰擬昭代恭惟皇帝陛
下奄有萬寓統和三靈由至公大義膺寶運之

渭南文集

卷之二
十三

汲古閣

傳講祲威盛容伸天下之養太史灼龜而獻兆
曲臺縣絕而具儀黃麾之仗夙陳簪紳在列白
玉之冊時舉金石充庭旣已隆孝道而通神剛
固將禮高年而厚風俗新又新而進德老吾老
以及人臣等誤被選掄獲塵班著雖潤色討論
於大典每慙稽古之疎然登降跪拜於路朝實
竊逢辰之幸

丞相率文武百僚賀壽皇正旦表

道妙混成太極著兩儀之本天端更始三朝受
萬國之歸慶集有邦歡騰率土中賀恭惟至尊壽

皇聖帝陛下濬哲稽古清明在躬握乾符闡坤

珍難名蕩蕩之德系唐統接漢緒誕受丕丕之

基以海宇之富而蹈巢由高世之風以父子之

親而行堯舜曠代之事迨此獻歲發春之日實

繫攷圖數貢之時史冊增華搢紳太息臣等幸

承睿獎獲覩昌期鵠行畢集於大庭共喜威顏

渭南文集卷之二 汲古閣

之近龍袞恪趨於小次更知榮養之尊

丞相率文武百僚賀皇帝正旦表

堯授舜舜授禹方瞻繼照之明正次王王次春

茂舉履端之慶乾坤開闢日月光華中賀恭惟皇

帝陛下德上際而下蟠化東漸而西被改元定

號稽列聖之舊章發政施仁撫重熙之景運內

有可封之俗外無不諛之戎方且采諸儒之議

以制朝儀陳九奏之音以爲親壽頒朔靡殊於

遐邇受圖章 扶於穆清治功卓然海內幸甚臣
等誤膺睿獎 獲綴通班勦力同心永惟春秋五
始之義拜手稽首敢奏天子萬年之詩

渭南文集

卷之二
十五

汲古閣

渭南文集卷

第二

渭南文集目錄

卷第三

蠟彈省劄

論選用西北士大夫

劄子

代乞分兵取山東劄

子

上二府論事劄子

上殿劄子

又

又

擬上殿劄子

上二府乞勿受慶雲圖劄子

渭南文集

卷三目

汲古閣

上二府論都邑劄子

又

上二府論事劄子

上二府論事劄子

又

子

上二府論事劄子

劄子

代乞分兵取山東劄

上二府論事劄子

論選用西北士大夫

卷第三

渭南文集卷第三目錄

終

渭南文集卷第三

蠟彈省劄

癸未二月二府
請至都堂樞

朝廷今來特惇大信明大義於天下依周漢諸侯及唐藩鎮故事撫定中原不貪土地不利租賦除相度於唐鄧海泗一帶置關依函谷關外應有據以北州郡歸命者卽其所得州郡裂土封建大者爲王帶節度鎮撫大使賜玉帶金魚塗金銀印其次爲郡王帶節度鎮撫使賜笏頭渭南文集

卷之三

汲古閣

金帶金魚塗金銅印仍各賜鐵券旌節門戟從物元係蕃中姓名者仍賜姓名各以長子爲節度鎮撫畱後世襲封永無窮已餘子弟聽奏充部內防團刺史亦令久任將佐比類金人官制升等換授其國置國相一員委本國選擇保奏當降真命餘官准此七品以下聽便宜辟除土地所出竝許截畱充賞給軍兵祿養官吏等用更不上供每歲正旦一朝三年大禮一助祭

如有故聽遣畱後或國相代行天申會慶節止
遣國官一員將命應刑獄生殺竝委本國照紹
興勅令參酌施行更不奏案合行軍法者自從
軍法四京各用近畿大國兼充畱守朝廷惟於
春季遣使朝陵餘時止用本處官吏侍祠每遇
朝貢當議厚給茶綵香藥等充回賜以示撫存
遇一國有警急諸國迭相救援如開斥生地俘
獲金寶竝就賜本國仍永不置監司帥臣及監
渭南文集

卷之三
二

汲古閣

軍等官候議定各遣子弟一人入覲當特賜燕
勞畢卽時遣回機會之來時不可失各宜勇決
以稱朝廷開納之意

論選用西北士大夫劄子

臣伏聞天聖以前選用人才多取北人寇準持
之尤力故南方士大夫沉抑者多仁宗皇帝照
知其弊公聽竝觀兼收博采無南北之異於是
范仲淹起於吳歐陽修起於楚蔡襄起於閩杜

衍起於會稽余靖起於嶺南皆爲一時名臣號稱聖宋得人之盛及紹聖崇寧間取南人更多而北方士大夫復有沉抑之歎陳瓘獨見其弊昌言於朝曰重南輕北分裂有萌嗚呼瓘之言天下之至言也臣伏觀方今雖中原未復然往者衣冠南渡蓋亦衆矣其間豈無抱才術蘊器識者而班列之間北人鮮少甚非示天下以廣之道也欲望聖慈命大臣近臣各舉趙魏齊魯渭南文集

卷之三

汲古閣

秦晉之遺才以漸試用拔其尤者而任之庶上遵仁祖用人之法下慰遺民思舊之心其於國家必將有賴伏惟畱神省察取進止

代乞分兵取山東劄子

臣等恭觀陛下特發英斷進討京東以爲恢復故疆牽制川陝之謀臣等獲侍清光親奉睿旨不勝欣抃然亦有惓惓之愚不敢隱默者竊見傳聞之言多謂虜兵困於西北不復能保京東

加之苛虐相承民不堪命王師若至可不勞而
取若審如此說則弔伐之兵本不在衆偏師出
境百城自下不世之功何患不成萬一未至盡
如所傳虜人尙敢旅拒遺民未能自拔則我師
雖衆功亦難必而宿師於外守備先虛我猶知
出兵京東以牽制川陝彼獨不知侵犯兩淮荆
襄以牽制京東邪爲今之計莫若戒敕宣撫司
以大兵及舟師十分之九固守江淮控扼要害
渭南文集

卷之三
四

汲古閣

爲不可動之計以十分之一遴選驍勇有紀律
之將使之更出迭入以奇制勝俟徐鄆宋毫等
處撫定之後兩淮受敵處少然後漸次郡大兵
前進如此則進有闢國拓土之功退無勞師失
備之患實天下至計也蓋京東去虜巢萬里彼
雖不能守未害其疆兩淮近在畿甸一城被寇
尺地陷沒則朝廷之憂復如去歲此臣所以夙
夜憂懼寢不能瞑而爲陛下力陳其愚也且富

家巨室未嘗不欲利也然其徒欲賈于遠者率不肯以多貲付之其意以爲山行海宿要不可保若傾囊而付一人或一有得失悔其可及哉此言雖小可以喻大願陛下畱神察焉臣等誤蒙聖慈待罪樞筦攻守大計實任其責伏惟陛下照其愚忠臣等不勝幸甚取進止

上二府論事劄子

壬午六月五日

渭南文集

卷之三

汲古閣

某伏見大理寺奏北界蒙城縣官邢珪罪狀竊

緣有司之議據其侵犯邊城殺害義旅雖置極

典未足當罪然既已具奏則當有特旨恐與有

司之議不可同日而語何者有司謹守律令朝

廷當斷以大義故也按邢珪生於涿易非祖宗

涵養之人仕於僞界非國家祿使之吏身有官

守一旦危急力雖不及猶能死守雖懵於逆順

不知革面然春秋之義天下之善一也若遂誅

之恐非所以勸天下之爲人臣者奏陳之際儻

爲一言貸其草芥微命以示中國禮義實非小
補又慮議者以謂張安國殺耿京事與此略同
恐啓寬貸之路無以慰歸附之人則某謂不然
張安國中國人又嘗受旗榜招安見利而動賊
殺耿京反覆奸猾罪惡明白與珪實爲不類兼
邢珪所犯在未被大赦蕩滌之前張安國所犯
在已受旗榜招安之後伏乞鈞察

渭南文集

卷之三

汲古閣

臣恭惟陛下天縱聖智生知文武御極之初內

出大號所以加惠於海內甚渥猶以爲未足也

乃八月戊子寬恤之令繼下至誠惻怛纖悉備

具歡欣之聲達於遠邇可謂盛矣然今旣累月

不知有司皆已推而致之民乎若猶未也是不

免爲空文而已無乃不可乎又有大不可者陛

下初卽大位乃信詔令以示人之時前日數十

條或曰當寘典憲或曰當議根治或曰當議顯

戮可謂丁寧切至赫然非常之英斷也若復爲
官吏將帥一切翫習漫不加省一旦國家有急
陛下詔令戒敕之語將何加此而欲使人捐肝
腦以衛社稷乎周官冢宰以正月之吉始和布
治於邦國都鄙壘象之法徇以木鐸曰不用法
者國有常刑正月周正今之十一月也正歲夏
正今之正月也自十一月至正月若未甚久而
申敕告戒俟以刑辟已如此其嚴今命下累月
而有所司或恬然不以爲意臣竊惑之欲望聖慈
以所下數十條者申諭中外使恪意奉行毋或
失墜仍命諫官御史及外臺之臣精加考覈取
其尤沮格者與衆棄之不惟聖澤速得下究亦
使文武小大之臣聳然知詔令之不可慢如此
實聖政之所當先也伏惟畱神省察取進止

渭南文集

卷之三
七

汲古閣

又

臣聞夏尚忠商尚質周尚文三者迭用非以爲

異因時制宜有不得不然者臣竊觀太祖太宗
之世法度典章廣大簡易律令可以禁奸無滋
彰之患文移可以應務無叢委之弊君臣上下
如家人父子論說徑直誠意洞達所詳者大所
略者小事易舉功易成其氣象風俗人物議論
至於今可考也太平旣久日趨於文放而不還
末流愈遠浮虛失實華藻害道雖號爲粲然備
具而文移書判增至數倍居官者窮日之力實
潤南文集

卷之三
八

汲古閣

不暇給猾吏奸人乘隙以逞其始也所詳者小
所略者大其極也并小者不復能詳則一切鹵
莽聽吏之所爲而已太上皇帝中興大業當宁
歎息思有以救之於是漸加訂正以還其舊兩
省復通爲一以革迂滯之風寺監幾省其半以
去支離之害簡禮容刪律令規模摺置蓋欲悉
除繁文復從祖宗之質而後已有司奉承未能
盡如本指此陛下今日所當力行不可緩也臣

愚欲望聖慈明詔輔臣使帥其屬因今六曹寺
監百執事所掌講求祖宗舊制以趨於廣大簡
易之域繁碎重複無益實事者一皆省去使小
大之臣咸有餘力以察姦去蠹修舉其職則太
平之基自此立矣元祐中司馬光請改三省職
事一如晉日中書之制蘇轍亦請收晉日三司
之權悉歸戶部則臣所謂因今所掌以求祖宗
舊制誠不爲難顧陛下力行何如爾干冒天聽
渭南文集

卷之三
九

汲古閣

伏深戰慄取進止

又

臣竊觀周自后稷公劉以來積德深遠十世長
久爲之子孫者宜皆取法焉然而獨曰儀刑文
王又曰儀式刑文王之典漢自高帝創業其後
嗣亦多賢君然史臣獨曰漢言文景美矣至武
帝之功烈猶以不遵文景之恭儉爲恨唐三
百
年一祖三宗皆號盛世而太宗正觀政要之書

獨傳寶以爲大訓元祐中學士范祖禹亦曰祖
宗畏天愛民子孫皆當取法惟仁宗在位最久
德澤深厚結於天下誠能專法仁宗則成康之
隆不難致也嗚呼祖禹之言天下之至言也迨
我太上皇帝躬履艱難慨然下詔專法仁祖之
政且竊聞燕閑惟考觀仁祖政事是以於萬斯
年無疆惟休亦享仁祖垂拱之福可謂盛矣陛
下紹休聖緒正當師太上專法仁祖之意申命
渭南文集

卷之三

汲古閣

邇英進讀之臣日以寶訓反覆敷繹以究微意
仍命輔臣政事法度一以仁祖爲法臣將見陛
下福祿川至治效日見年穀屢豐四夷率服慶
曆皇祐之盛復見於今雖遐方絕壤皆當梯航
而至矣況中原故地其有不復者哉臣不勝至
願伏惟聖慈畱神省察取進止

擬上殿劄子

壬午准備輪對會
內禪遂不果上

臣觀小忠之詩見成王孜孜求助特在初裁意

其臨天下之久閱義理之多則當默識獨斷雖
無待於羣臣可也及考之書然後知其不然舜
伐三苗年九十有三聞伯益一言則退而敷文
德舞干羽無一毫自用之意武王受貢彝年九
十有一召公作訓累數百言武王納之不以為
過嗚呼爲人臣而不以舜武王望其君者不恭
其君也伏以陛下生知之聖度越百王稽古之
學博極墳典歷試諸難身濟大業更事閱理多
渭南文集

卷之三
十一

汲古閣

矣自公卿大臣皆陛下四十年教養所成況於
小儒賤士見聞淺陋曾何足以仰清光備顧問
哉然其所陳則未必無尺寸之長何者舉吏部
之籍搢紳之士幾人其得見君父者幾人白首
州縣而不得一望闕門者多矣則凡進見之人
固宜夙夜殫思竭誠以幸千載之遇雖其間有
論事梗野不達大體者究其設心亦願際會犯
威顏以徇俗捨富貴以取名臣竊謂無是理也

欲望陛下昭然無置疑於聖心克己以來之虛
心以受之不憚捨短而取長以求千慮之一得
庶幾下情得以畢達羣臣無伯益召公之賢陛
下以舜武王之心爲心則是聖德巍巍過於舜
武王矣如其屈萬彙之尊躬日昃之勞顧於疎
遠之言無大施用姑以天地之度容之而已是
獨言者一身之幸也干冒天威臣無任惶怖俟
罪之至

渭南文集

卷之三
十二

汲古閣

上二府乞勿受慶雲圖劄子

癸未春

伏觀尚書省劄子知閩州呂游問奏慶雲見并
圖一軸奉聖旨降付編類聖政所仰見至上聖
孝推美太上皇帝之心然竊聞太上皇帝建炎
之初京東進芝草親詔却之盛德煌煌光映簡
冊今乃以慶雲見爲聖政恐非太上皇帝之本
意兼閩州所奏專以慶雲見於晉安郡及在王
上卽位前一日爲受命之符諛佞牽合不識大

體政與京東芝草相類若受而不却雖不報行
其誰不知深恐自此草木之妖氛氣之怪緯候
之說歌頌之文紛紛來上却之則自啓其端不
却則遂將成俗欲望鈞慈以太上皇帝却芝草
故事委曲奏陳至上剛明英斷必有以處此矣
干冒鈞嚴不勝恐怖之至

上二府論都邑劄子

某自頃奏記迨今累月自顧賤愚不肖無尺寸

渭南文集

卷之三
十三

汲古閣

可以上補聰明而徒以無益之事上勤省閱實
有罪焉故久不敢以姓名徹左右今者偶有拳
拳之愚竊謂相公所宜聞者伏冀少畱觀覽幸
甚幸甚伏聞北虜累書請和仰惟至上聖武相
公威名震疊殊方足以致此而天下又方厭兵
勢且姑從之矣然某聞江左自吳以來未有捨
建康他都者吳嘗都武昌梁嘗都荊渚南唐嘗
都洪州當時爲計必以建康距江不遠故求深

固之地然皆成而復毀居而復徙甚者遂至於
敗亡相公以爲此何哉天造地設山川形勢有
不可易者也車駕駐蹕臨安出於權宜本非定
都以形勢則不固以餽餉則不便海道逼近凜
然常有意外之憂至於讖緯俗語則固所不論
也今一和之後盟誓已立動有拘礙雖欲營繕
勢將艱難某竊謂及今當與之約建康臨安皆
係駐蹕之地北使朝聘或就建康或就臨安如

渭南文集

卷之三
十四

汲古閣

此則我得以閑暇之際建都立國而彼旣素聞
不自疑沮黠虜欲僭以爲辭亦有不可者矣今
不爲後且噬臍至於都邑措置當有節目若相
公以爲然某且有以繼進其說不一二年不拔
之基立矣某智術淺短不足以議大計然受知
之深不敢自以疎遠爲疑干冒鈞聽下情恐懼
之至

渭南文集卷第三

渭南文集目錄

卷第四

上殿劄子

又

又

乞祠祿劄子

上殿劄子

又

上殿劄子

又

除修史上殿劄子 乞致仕劄子

又

又

渭南文集

卷四目

汲古閣

劄子

劄子

劄子

劄子

劄子

卷第四

渭南文集卷第四目錄

終

渭南文集卷第四

上殿劄子

臣聞善觀人之國者無他惟公道行與否爾書曰毋虐瑩獨而畏高剛詩曰柔亦不茹剛亦不吐此爲國之要也若夫虐瑩獨畏高剛茹柔吐剛而能使天下治者自古未之有也朝廷之體責大臣宜詳責小臣宜畧郡縣之政治大姓宜詳治小民宜畧賦歛之事宜先富室征稅之事

渭南文集

卷之四

汲古閣

宜覈大商是之謂至平是之謂至公行之一邑則一邑治行之一郡則一郡治行之天下而治不逮於古者萬無是理也伏見朝廷頃因人言必顯有功狀乃畀職名行之數年而大臣近侍不得職者幾人帥臣監司之加職者又比比而有至於銓曹格法所以厄小官者則未嘗少弛張也慶典之行所及至廣貼職以上例皆甄復雖阿附秦氏得罪者亦在焉至於常調孤遠固

多久絀刑憲者今更赦令雖使皆得霑被銓法
拘攣必不如是之曠蕩也無乃責大吏反畧而
責小臣反詳乎郡縣之吏不能自立觀望揣摩
惟強是畏豪右雖犯重辟官吏貪者黠者則公
與之爲市廉者懦者則又自營曰得無反爲所
害乎凡嫁阼平人諉罪僮奴者皆有司爲之道
地也凶年饑歲雖貧富俱病然富者利源至多
貧者惟守田畝孰爲當恤視郡縣之庭鞭笞流

渭南文集

卷之四

汲古閣

血杻械被體者皆貧民也吳蜀萬里關征相望
富商大賈先期遣人懷金錢以賂津吏大舸重
載通行無苦終更小官造廷進士垂橐蕭然齋
糧有限而稽畱苛暴略不之恤如是謂之平可
乎謂之公可乎臣昧死伏望陛下推至平至公
之道自朝廷始然後下詔戒敕四方而繼之以
誅賞不過歲月治效自見惟在陛下執之重如
山嶽堅若金石爾荀卿論闢國之說曰兼并易

能也堅凝之難夫豈獨兼并哉凡爲政施行之甚易堅凝之甚難臣區區之言陛下或以爲萬有一可采焉敢併以堅凝爲獻取進止

又

臣伏讀御製蘇軾贊有曰手抉雲漢幹造化機氣高天下乃克爲之嗚呼陛下之言典謨也軾死且九十年學士大夫徒知尊誦其文而未有知其文之妙在於氣高天下者今陛下獨表而出之豈惟軾死且不朽所以遺學者顧不厚哉然臣竊謂天下萬事皆當以氣爲主軾特用之於文爾趙晉氣蓋諸國故能成一之功寇準氣吞醜虜故能成却敵之功范仲淹氣壓靈夏故西討而元昊款伏狄青氣懾嶺海故南征而智高殄滅至於韓琦富弼文彥博之勲勞唐玠包拯孔道輔之風節大抵以氣爲主而已蓋氣

渭南文集

卷之四

汲古閣

勝事則事舉氣勝敵則敵服勇者之鬪富者之

博非有他也直以氣勝之耳今天下才者衆矣而臣猶有憂者正以任重道遠之氣未能盡及古人也方無事時亦何所賴此一旦或有非常陛下擇羣臣使之假鉞而董二軍擁節而諭萬里雖得賢厚篤實之士氣不素養臨事惶遽心動色變則其舉措豈不誤陛下事耶伏望萬機之餘畱神於此作而起之毋使委靡養而成之毋使沮折及乎人才爭奮士氣日倍則緩急惟渭南文集

卷之四

汲古閣

陛下所使而已且吳蜀閩楚之俗其渾厚勁朴固已不及中原矣若夫日趨於拘窘怯薄之域臣實懼國勢之寢弱也不勝私憂犯分獻言恭惟陛下裁赦取進止

又

臣聞天下有無窮之變而有必然之理惟默觀陰察能得其理則事變之來雖千態萬狀可以坐制而無虞矣天下之變最幽眇倉卒不可測

知者莫如雷霆鬼物然雷霆冬伏而春作鬼物
晝隱而夜見則其理之必然有不待智者而知
之矣今朝廷內無權家世臣外無強藩悍將所
慮之變惟一金虜禽獸也譎詐反覆雖其族
類有不能測而臣竊以謂是亦有可必知者夫
何故寬猛之相繼如寒暑晝夜之必相代也故
自金虜猖獗以來靖康建炎之間窮凶極暴則
有紹興之和通和既久則有辛巳之寇寇而敗

渭南文集

卷之四
五

汲古閣

亡則又有隆興之和今邊陲晏然枹鼓不佗逾
二十年與紹興通和之歲月略相若矣不知此
虜終守和約至數十百年而終不變邪將如晝
夜寒暑必相代也且虜非中國比也無君臣之
禮無骨肉之恩惟制之以力劫之以威則羸能
少定今力憊勢削有亂而已其亂不起於骨肉
相殘則起於權臣專命又不然則奸雄襲而取
之耳三者有一焉反虜酋之政以悅其國人且

何爲哉雖陛下聰明英睿自有所處然臣竊觀
士大夫之私論則往往幸虜之懦以爲安不知
通和已二十餘年如歲且秋矣而謂衣裳爲不
必備豈不殆哉大抵邊境之備方無事時觀之
事事常有餘一旦有變乃知不足伏望陛下
與腹心之臣力圖大計宵旰弗怠繕修兵備搜
拔人才明號令信賞罰常如羽書狎至兵鋒已
交之日使虜果有變大則掃清燕代復列聖之
渭南文集
卷之四
六
汲古閣
讐次則平定河洛慰父老之望豈可復如辛巳
倉卒之際歛兵保江凜然更以宗社爲憂邪臣
世食君祿且蒙陛下省錄姓名已二十餘年念
無以報天地父母之大恩故其陳於陛下者惟
懼不盡而不知狂愚之爲大罪也取進止

乞祠祿劄子

戊申
四月

照對某昨任主管成都府玉局觀將滿陳乞再
任蒙恩差知嚴州於淳熙十三年七月三日

任郡政乖刺雨澤不時上勞宵旰死有餘責賴
蒙朝廷哀矜山郡瘠土之民重賜蠲放廣行賑
恤上格和氣下安衆心入秋得雨陸種倍收六
縣竝無流徙人戶今春以來雨暘尤爲調適二
麥繼熟民間亦以爲所收倍於常年賑濟訖事
稍紓吏責某雖去替不遠實緣年齡衰邁氣血
凋耗夏秋之際痼疾多作欲望鈞慈特賜矜憫
許令復就玉局微祿養痾故山及天氣尚涼早
渭南文集

卷之四
七

汲古閣

得就道實爲至幸

上殿劄子

臣恭惟陛下躬聖人之資履天子之位而致養
三宮承顏左右盛事赫弈冠映千古尙何待塵
露之增山海哉顧臣竊抱惓惓之愚不敢輒默
伏惟陛下聖孝純至稟於天性管在潛邸及登
儲宮以來夙夜孜孜何嘗頃刻不以壽皇爲心
壽皇罷朝而悅進膳而美則陛下欣然喜動於

色壽皇罷朝而不悅進膳而少味則陛下愀然
憂見於色方是時徒能喜之憂之而已今則致
親之悅者責在陛下其可以不深念乎所謂悅
親之道非薦旨甘奉輕暖也非晨昏定省冬夏
溫清也非千門萬戶之宮鈞天簫韶之樂也惟
在陛下得天下之愛戴以寧壽皇之心而已雞
鳴而攬衣辨色而視朝必曰此咎者問安之時
也今以萬機之繁不能日朝重華歉然於懷豈
渭南文集

卷之四
八

汲古閣

有限極然闕問安之常禮之小也致天下之治
孝之大也吾其力爲其大者乎此固壽皇所望
於陛下亦天下所望於陛下也治功已成中外
無事陛下時備法駕率羣臣上萬年之觴豈非
天下之大慶不然太史或以災異上聞四方或
以寇盜來告壽皇聞之萬分有一微輟玉食陛
下雖居萬乘之貴孰與解憂哉臣昧死願陛下
於進退人才罷行政事之際率以是爲念自三

息十息以至百息不爲過也自一日五六日至
於旬日不爲緩也謀及卜筮謀及卿士謀及庶
人不爲廣也一有小失豈獨上勞宵旰壽皇亦
與焉故陛下今日憂勤恭儉百倍於古帝王乃
僅可耳譬如臣民之家上有尊親則所以交四
隣訓子弟備饑饉禦盜賊比之他人自當謹戒
百倍何則彼亦懼憂之及其親也犬馬小臣貪
於增廣聖孝不知言之涉於狂妄冒犯天威伏
渭南文集

卷之四
九

汲古閣

候斧鉞

又

臣聞詩曰上天之載無聲無臭人君與天同德
惟當清心省事澹然虛靜損之又損至於無爲
大臣不得而窺所好則希合苟容之害息小臣
不得而窺所好則諂諛側媚之風止不以從其
所好而加賞則儉人伏不以逆其所好而加罪
則端士進玩好無益之物不好則不接於目諛

諧敗度之言不好則不聞於耳大抵危亂之根本讒巧之機芽奸邪之罅隙皆緣所好而生臣下雖有所偏好而或未至大害者無奉之者也人君則不然絲毫之念形於中心雖未嘗以告人而九州四海已悉向之矣況發於命令見於事爲乎且嗜好之爲害不獨聲色狗馬宮室寶玉之類也好儒生而不得真則張禹之徒足以爲亂嗜好文士而不責實則韋渠牟之徒足以涓南文集

卷之四

汲古閣

敗君德其他可推而知矣晉者漢文帝及我仁宗皇帝所以爲萬世帝王之師者惟無所嗜好而已恭惟陛下龍飛御極之初天下傾耳拭目之時所當戒者惟嗜好而已無有作好遵王之道天之所以錫神禹也伏惟陛下畱神省察實天下幸甚取進止

上殿劄子

己酉四月
十二日

臣聞王者以一人之身臨制四海人情鎔出事

變遷至惟靜以俟之則心虛而明惟重以持之則體大而正無偏聽之過無輕舉之失天何言哉舜何爲哉後世士大夫學術卑陋識慮褊淺顧謂王者得位必有以聳動天下於是厭常喜新之論興飾智駭俗之政作衆人之所喜而君子之所深憂也臣伏見陛下自在潛邸以至龍飛御宇三十年間天下之事何所不習雖日出百令固亦易爾乃謙恭退託而安靜無爲沉潛

渭南文集

卷之四
十一

汲古閣

淵默而聰明不作上則承壽皇之睿謨下則盡羣臣之公議及乎議有未決徐而斷之政有當行從而舉之理愜事允出臣下思慮之表有心者誠服有口者頌歎則所謂靜與重者陛下旣得之矣嗚呼一郡一邑之長視事之始尙且以新奇眩衆以敏速釣名陛下有天下之利勢而不用有聖智之絕識而不施超越羣倫奚啻萬億而或者方以聳動天下爲獻此固兒童之見

而陛下所不取也竊恐羣臣獻此說者寢多雖
陛下決不取然臣不勝惓惓愛君之愚忠患有
以堅聖心而廣初政管魏鄭公憂正觀之政漸
不克終蘇轍亦謂但如元祐之初足矣若夫進
銳退速能動耳目之觀聽而無至誠惻怛之心
以終之如明皇之焚錦繡德宗之放馴象實陛
下之龜鑑也故臣願陛下圖事揆策不厭於從
容行賞議罰無取於快意兢兢業業常如此三

渭南文集

卷之四
十二

汲古閣

月之間則成康文景之盛復見於今日矣犬馬
小臣出位妄言冒犯天威臣無任兼不願效

又

又

臣聞天下有定理決不可易者飢必食渴必飲
疾必藥暑必箠豈容以他物易之也哉臣伏觀
今日之患莫大於民貧救民之貧莫先於輕賦
若賦不加輕別求他術則用力雖多終必無益
立法雖備終必不行以臣愚計之朝廷若未有

深入遠討犂庭掃穴之意能於用度之間事事
裁損陛下又躬節儉以勵風俗則賦於民者必
有可輕之理緩急之備固不可無姑以歲月徐
爲之可也如是則和氣浹洽必無水旱之災驩
聲洋溢必無盜賊之警何慮國用之不足邪設
使裔夷弗賓侵犯王略所謂率其子弟攻其父
毋直可舞干羽而格之爾頃者建炎紹興戡定
變亂之日一切賦歛有非承平之舊者高宗皇

渭南文集

卷之四
十三

汲古閣

帝宵旰焦勞每欲俟小定而悉除之故詔令布
告天下曰惟八世祖宗之澤豈汝能忘顧一時
社稷之憂非予獲已止俟捍防之際首圖蠲省
之宜臣幼年親見民誦斯詔至於感泣雖傾貲
以助軍興而不敢愛旋屬國家多故逆亮畔盟
雖所蠲已多終未仰稱聖意壽皇聖帝臨御以
來所以節用裕民者皆繼承高宗蠲省之指也
則陛下今日豈可不以爲先務哉臣昧死欲望

聖慈恢大度明遠略詔輔臣計司博盡論議量入而用量用而取可蠲者蠲可省者省富藏於民何異府庫果有非常孰不樂輸以報君父淪肌浹髓之恩哉若有事之時旣竭其財矣幸而無事又曰儲積以爲他日之備也雖恢復中原又將曰邊境日廣矣屯戍日衆矣則斯民困弊何時而已邪瀆犯天威罪當萬死惟陛下裁赦取進止

渭南文集

卷之四
十四

汲古閣

除修史上殿劄子

臣伏見真宗皇帝至道三年冬修太宗實錄至明年咸平元年八月而畢甫九閱月修書者錢若水柴成務宗度吳淵楊億五人而已書成又詔重修太祖實錄至明年六月而畢亦甫九閱月修書者王元之梁灝趙安仁李宗諤四人而已臣竊考之太祖討澤潞取楊州平吳滅蜀定荆楚下五嶺太宗撫有吳越蕩定汾晉用師薊

門問罪夏臺皆大舉動業廣事策議論煩委兵
機戎政攻守餽餉功罪黜陟之事可謂夥矣至
於制禮作樂明刑治曆修廢官舉墜典革五季
之弊復漢唐之盛側席求治可謂勤矣宜其摹
寫日月形容造化雖累歲不成而奏書之速不
淹三時上足以慰羹墻之思下足以厭薦紳之
望非獨此數人者畢精竭思之力也意者當時
命令重刑賞必尊君體國之俗成凡史官紬繹

渭南文集

卷之四
十五

汲古閣

之所須者上則中書密院下則百司庶府以至
四方萬里郡國之遠重編累牘如水赴海源源
而集然後以耳目所接察隧碑行述之諛辭以
衆論所存刊野史小說之謬妄取天下之公去
一家之私而史成矣九閩月而奏書臣誠未見
其爲速也臣乞身累年忽蒙聖恩起之山澤之
間使與聞大典旣不累以他職又特寬其朝謁
責委之意可謂重矣然臣之愚慮有欲陳者未

敢遽以仰瀆天聽而略具梗槩於前欲乞聖慈
明詔大臣俟臣供職有所陳請擇其可者出自
朝廷主張施行如臣不能自力曠職守負聖知
則竄殛之刑所不敢避取進止

乞致仕劄子

祭亥

本官知府前出

臣輒冒重誅仰于洪造伏念臣生逢千載仕歷
四朝晚蒙旒宸之知爰錫弓旌之召濫司汗簡
擢長僊蓬曾未幾時亟躋近列雖願輸於塵露
渭南文集

卷之四
十六

汲古閣

顧已迫於桑榆記問荒疎文辭衰退重負夜行
之責難貪晝接之榮又况與奏成書獲經睿覽
時則可矣敢少緩於控陳天實臨之冀俯從於
懇款伏望聖慈許臣守本官職依前致仕

文

亥

本官知府前出

臣近緣實錄院進書已畢具奏乞守本官職依
前致仕準尚書省劄子奉聖旨不允者伏念臣
學緣病廢志與年衰步蹇弗支髮存無幾出入

鷓行之內惕然有覩於面顏追參豹尾之間觀者亦爲之指目豈容冒昧久竊寵榮敢干咫尺之威洵貢再三之請萬籤黃卷悵已負於初心十具烏犍冀獲安於故里伏望聖慈特賜開允

章

甲子

臣輒傾愚懇仰達聖聰伏念臣衰頽餘齡已開九秩遭逢盛際逮事四朝擢寘周行初出高皇之獨斷進登法從晚蒙陛下之異知期歲強顏

渭南文集

卷之四
十七

汲古閣

秋毫無補及瀝乞身之請更蒙優老之除久此叨塵豈勝危懼雖天地之恩未報而犬馬之力已窮杜曲桑麻儻遂扶犁之初願灞橋風雪更尋策蹇之舊遊誓教訓於子孫用報酬於君父伏望聖慈許臣守本官職致仕

渭南文集卷第四

渭南文集目錄

卷第五

天申節進奉銀狀
辭免賜出身狀

又

條對狀 七條

奏筠州反坐百姓陳彥通訴人吏冒役狀

除寶謨閣待制舉曾贖自代狀

辭免轉太中大夫狀

薦舉人材狀

渭南文集

卷五目

汲古閣

渭南文集卷第五目錄

終

渭南文集卷第五

天申節進奉銀狀

效頌祝於萬年適逢盛際備貢輸於九牧敢竭
微誠前件銀祗率典章獲參包篚大庭旅百愧
非梯山航海之琛神嶽呼三但切就日望雲之
意

辭免賜出身狀

准尚書省劄子奉聖旨賜進士出身者孤遠小

渭南文集

卷之五

汲古閣

臣比蒙召對從容移刻褻稱訓諭至於再三仰
惟天地父母之恩固當誓死圖報惟是科名之
賜近歲以來少有此比不試而與尤爲異恩揣
分量材實難忝冒欲望敷奏特賜追寢以安冗
散之分

又

近蒙恩賜進士出身嘗具狀乞行追寢以謂科
名之賜近歲以來少有此比不試而與尤爲異

恩揣分量材實難忝冒今日六月日准尚書省劄子奉聖旨不許辭免虜螳至微曲煩申諭雷霆在上其敢飾辭然義有未安若不自列強顏冒寵獲罪愈大蓋特賜科名雖有故事必得非常之人乃副非常之舉甚非所以重儒科杜倖門也重念某一介疎賤行能亡取比蒙召對面加訓獎退而感激至於涕泗今者但使獲安冗散之分以效尺寸之勞則於上報主恩不敢憚死

渭南文集

卷之五

汲古閣

條對狀

准今月六日詔書節文令侍從臺諫取當今弊事悉意以聞退率其屬極言毋諱臣恭依詔旨條具下項

一有國之法當防其微人臣之戒尤在於偏異姓封王偏之尤者也蓋封王始於漢初天下未定權宜之制然韓彭英盧皆以此敗漢亦幾至大亂遂與羣臣盟曰非劉氏不王後

世懲創其失魏晉隋唐皆起草昧有天下豈
無功臣止於公侯而已國初趙晉有社稷大
功亦未嘗生加王爵也唐將封王始於安祿
山而本朝則始於童貫此豈可法而比年以
來寔以爲常識者莫不憂之欲乞聖慈明詔
有司自今非宗室外家雖實有勲勞毋得輒
加王爵藏之金匱副在有司永爲甲令實宗
社無疆之福

渭南文集

卷之五

汲古閣

一伏見比來朝廷間遣小臣幹辦於外旣銜
專命又無統屬造作威福矜詫事權所在騷
然理有必致如措置酒坊招捕海賊未有毫
髮成効而擾害之事已饜滿聞聽則此事害
多利少可以無疑若以輕君命失國體言之
則雖有厚利亦不可行臣謂如此二事之類
止當專委戶部長貳轉運司及安撫使提點
刑獄措畫如其不職自有典憲誠不足一一

上煩聖慮。晉祖宗置走馬承受。本欲便於奏報耳。而小人恃勢日增。歲長及改稱。廉訪使者則監司帥守。反出其下。敗亂四方。危及社稷。實走馬承受之末流也。可不畏哉。此事乞陛下與輔臣長慮遠計。亟行廢罷。若止如近日改易其人。及令聽安撫使節制之類。根本未除。終必爲害。若朝廷或有大事勢須遣使。卽乞於廷臣中遴選材望庶幾不負任使。不

渭南文集

卷之五
四

汲古閣

啓弊端實天下之幸

一自古有國設官分職。非獨下不得僭上。上亦不得侵下。所以正名分也。公師之官將相之位。人臣之至貴。天子所尊。禮非百官有司比也。方宣和間。王黼以太宰而行。應奉司蔡攸以三孤而直保和殿。紊亂之事。遂爲禍萌。中興以來。所宜痛革而頃者。遂有以師傳而領殿前都指揮使者。天下固已怪矣。近復有

以太尉而領閣門事者閣門古之中涓太尉服章班列蓋視二府瀆亂名器莫此爲甚欲乞聖慈詔輔臣議之例加訂正著爲定制亦革弊所當先也

一伏覩詔書委監司條具部內知州治行仰見陛下撫恤百姓欲使各安田里之意然臣竊謂惟賢乃可以知賢而無瑕者乃可以議人不審今之監司皆已賢乎若猶未也旦夕

渭南文集

卷之五

汲古閣

臧否來上而按行黜陟無乃未可乎雖使諫官御史劾奏其不當者然人之識見自有分限若本無才智又無學術乃使品藻賢否而劾其不當是猶強盲者使察秋毫而責其不見也臣欲望聖慈令三省具諸路監司姓名精加討論其不足當委寄者例皆別與差遣選有才智學術之士代之則前日之詔不爲空文旣一清監司之選又審知郡守之政實

今日先務也

一伏覩律文罪雖甚重不過處斬蓋以身首異處自是極刑懲惡之方何以加此五季多故以常法爲不足於是始於法外特置凌遲一條肌肉已盡而氣息未絕肝心聯絡而視聽猶存感傷至和虧損仁政實非聖世所宜遵也議者習熟見聞以爲當然乃謂如支解人者非凌遲無以報之臣謂不然若支解人

渭南文集

卷之五
六

汲古閣

者必報以凌遲則盜賊蓋有滅人之族者矣蓋有發人之丘墓者矣則亦將滅其族發其丘墓以報之乎國家之法奈何必欲稱盜賊之殘忍哉若謂斬首不足禁姦則臣亦有以折之晉三代以來用肉刑而隋唐之法杖背當時必亦謂非肉刑杖背不足禁姦矣及漢文帝唐太宗一日除之而犯法者乃益稀少幾致刑稽仁之爲效如此其昭昭也欲望聖

慈特命有司除凌遲之刑以明陛下至仁之心以增國家太平之福臣不勝至願

一臣恭以陛下仁心惻怛聖澤深廣四方萬里之遠昆蟲草木之微生成長養惟恐或傷近者天下奏獄雖盜賊奸蠹罪狀已明一毫可寬悉蒙原減豈有無辜就刑而不加恤者臣是以不量疎賤敢昧死有請夫宦侍之臣自古所有然晚唐以來始進養子童幼何罪

渭南文集

卷之五

汲古閣

橫罹刀鋸古制宮刑之慘纔下大辟一等是雖顯有負犯猶在所矜而況於童幼乎向使宿衛不足供奉闕人暫開禁防尚爲有說今道路之言咸謂員已倍冗司局皆溢而日增歲加未聞限止誠恐非陛下愛人恤物蕃育羣生之意也臣伏覩太祖皇帝開寶四年詔內侍官年三十無養父聽養一子并以名上宣徽院違者抵死眞宗皇帝咸平中復申前

詔仁宗皇帝嘉祐四年又詔入內侍省權
罷進養子三聖詔令炳如丹青遵而行之實
在陛下且方今聖政日新入無苑囿之觀出
無逸遊之好諸軍無承受諸路無走馬中人
所領不過兩宮掃除之職而已顧久弛成憲
以從其私干犯至和虧損仁政臣雖甚愚猶
知其不可也伏惟聖慈少畱聽焉

一自古盜賊之興若止因水旱饑饉迫於寒
涇南文集

卷之五

汲古閣

餓嘯聚攻劫則擗置有方便可撫定必不能
大爲朝廷之憂惟是妖幻邪人平時誑惑良
民結連素定待時而發則其爲害未易可測
伏緣此色人處處皆有淮南謂之二禳子兩
浙謂之牟尼教江東謂之四果江西謂之金
剛禪福建謂之剛教揭諦齋之類名號不一
剛教尤甚至有秀才吏人軍兵亦相傳習其
神號曰剛使又有肉佛骨佛血佛等號白衣

烏帽所在成社僞經妖像至於刻版流布假
僭政和中道官程若清等爲按勘福州知州
黃裳爲監雕以祭祖考爲引鬼永絕血食以
溺爲法水用以沐浴其他妖濫未易槩舉燒
乳香則乳香爲之貴食菌蕈則菌蕈爲之貴
更相結習有同膠漆萬一竊發可爲寒心漢
之張角晉之孫恩近歲之方臘皆是類也欲
乞朝廷戒敕監司守臣常切覺察有犯於有
涇南文集

卷之五
九

汲古閣

司者必正典刑毋得以習不根經教之文例
行闊略仍多張曉示見今傳習者限一月聽
齋經像衣帽赴官自首與原其罪限滿重立
賞許人告捕其經文印版令州縣根尋日下
焚毀仍立法凡爲人圖画妖像及傳寫刊印
明教等妖妄經文者竝從徒一年論罪庶可
陰消異時竊發之患

秦筠州反坐百姓陳彥通訴人吏冒役狀

臣近因民間詞訴勘會到本路筠州百姓陳彥通因訴事夾帶稱高安縣押錄陳諒經兩次徒杖罪斷罷不合冒役事其本州於淳熙六年十月內以爲陳彥通所論冒役不實遂引用乾道六年八月二日臣僚陳請妄訴冒役科反坐刑名仍引在法諸州縣公人曾因犯罪勒停謂於法不

該收敘及未該收敘者

放罷編配再行投募充役者許人

告諸州縣收敘公人於令格有違者徒二年公

渭南文集

卷之五

汲古閣

人依法不該收敘而隱落過犯或改易姓名別行投募者准此將百姓陳彥通決脊杖十三臣竊詳反坐之法本謂如告人放火而實不會放火告人殺人而實不會殺人誣陷善良情理重害故反其所坐然有司亦不敢卽行多具情法奏取聖裁今愚民無知方其爲奸胥猾吏之所屈抑中懷冤憤訴之於官但聞某人曾以罪勒罷又有許告指揮則遂於狀內夾帶冒役之語

村塾小民何由身入官府親見案牘小有差誤亦當末減以通下情縱使州縣欲治其虛妄驀越之類亦自有見行條法笞四十至杖八十極矣與反坐之法有何干涉若一言及吏人冒役便可摺撫置之徒罪則百姓被苦豈復敢訴吏何其幸民何其不幸也自咎善爲政者莫不嚴於馭吏厚於愛民今乃反之事屬倒置兼見今諸處冒役吏人雖究見是實亦不過從杖罪科

渭南文集

卷之五
十一

汲古閣

斷罷役而已未有卽置之徒罪者豈有百姓訴吏人冒役却決脊杖之理臣本欲卽按治筠州官吏又緣有上件乾道六年八月二日臣僚陳請到指揮顯見因此陳請致得州縣憑藉用法深刻臣蒙恩遣使一路出自聖知拔擢苟有所見不敢隱默欲望聖慈更賜諄酌如以臣所奏爲然卽乞特降睿旨寢罷乾道六年八月二日因臣僚陳請所降指揮庶使百姓不致枉被深

重刑責比下情獲通胥吏稍有畏憚天下幸甚
除寶謨閣待制舉曾黯自代狀

准令侍從授告訖限三日內舉官一員充自代
者右臣伏覩從政郎總領淮東軍馬錢糧所準
備差遣曾黯克承家學早取世科操行可稱文
詞有法臣實不如舉以自代

辭免轉太中大夫狀

中大夫充寶謨閣待制提舉江州太平興國宮
渭南文集

卷之五
十二

汲古閣

陸某狀奏臣以修進兩朝寶錄今月二十三日
伏准告命授臣太中大夫依前充寶謨閣待制
提舉江州太平興國宮者序進一階雖循故事
擢登四品實出殊私勞薄賞醲人微恩重而況
臣遭逢頗異涉歷寢深四朝嘗綴於廷紳八十
更持於從橐惟寵光之永絕庶視息之少延敢
控愚衷冀回鴻造

薦舉人材狀

太中大夫充寶謨閣待制致仕臣陸某近承紹
興府牒備承尚書吏部符准都省劄子奉聖旨
節文令前侍從各舉人材三兩人臣爲已致仕
累年竊慮與在外侍從見任藩郡及宮觀人事
體不同遂具申審今准都省劄子照得寶謨閣
待制致仕俞激薦舉萬夢實等訖劄送臣照會
者臣切見宣教郎知臨安府臨安縣鞏豐材識
超卓文辭宏贍從政郎前隨州州學教授王田
渭南文集
卷之五
汲古閣
學問淹貫議論開敏以上竝可備文字之職文
林郎監潭州南嶽廟趙蕃力學好修杜門自守
入仕以來惟就祠祿今已數任若將終身或蒙
朝廷稍加識拔足以爲靜退之勸抑躁競之風
於聖時不爲無補如或不如所舉甘坐責罰

渭南文集目錄

卷第六

謝解啓

賀台州曾直閣啓

賀曾祕監啓

賀謝提舉啓

賀禮部曾侍郎啓

賀辛給事啓

賀福州察推啓

賀何正言除左司諫

啓

賀湯丞相啓

除刪定官謝丞相啓

渭南文集

卷六目

汲古閣

謝內翰啓

謝諫議啓

渭南文集卷第六目錄

終

渭南文集卷第六

謝解啓

倦遊場屋分已歸耕首置賢書出於過聽得非
其分榮不蓋慚伏念某行己迂疎稟資窮薄生
逢聖代豈願老於漁樵性嗜古文了不通於世
俗因息四方之志專爲一壑之謀比遊都城適
睹明詔復踴躍而自獻信習氣之難除內負初
心外慙舊友然而廢放已久盡忘科舉之章程

渭南文集

卷之六

汲古閣

得失旣輕頗有山林之氣象譬之進昌歎於玉
食陳侏儒於燕朝方以怪而見珍故雖樸而不
廢恭惟某官行爲世表經爲人師早學長安識
子雲之奇字晚遊吳會得中郎之異書心術正
而無邪文章簡而有法憤彫蟲之積弊疑草莽
之可收遂致庸虛輒先豪俊自知不稱敢辭同
進之爭名所懼流言竊謂主司之好異其爲愧

悚實倍尋常

賀台州曾直閣啓

恭審寵辭使節移鎮便藩上待老成惟恐弗當
其意士聞靜退自消競進之心凡有識知誰不
驩喜恭惟某官淵乎似道清而有容古學名家
鬱爲諸儒之領袖高文擅世坐還兩漢之風流
蚤踐清華屢當要劇民依愷悌之政吏畏道德
之威不言而令已行寡欲而人自化好直無矯
枉之過爲善無近名之嫌歷考平生追配古人
渭南文集

卷之六

汲古閣

而奚愧中更俗吏益知儒者之有功此由真館
之宴閑起奉外臺之委寄翔而後集汎然敢辭
子房避三萬戶之封曼容至六百石而去當宁
爲之太息舉朝仰其高風故擇名邦示優耆德
然而公議所屬久安實難第恐賜環之來弗容
坐席之暖某早嘗問道晚益受知春服方成悵
又違於師範郡齋猶冷冀深衛於生經

賀曾祕監啓

恭審趣登文陛進冠蘭臺簡冊光華孰謂太平
之無象薦紳歎息共欣大老之來歸誠爲中外
之榮觀非復門闌之私慶竊嘗聞諸耆舊管在
祖宗朝有道德魁偉之臣士鄙刑名功利之學
政術旣斥夫卑陋國勢自極於尊安豈惟右文
飾治之方是亦折衝消萌之要至於主盟儒道
典領書林必求名勝之宗尤極清華之選不圖
近歲頓異前規老吏亦驚茲豈膏梁之地遺編

渭南文集

卷之六

汲古閣

何罪至遭鋒鏑之腥廷範之汙清流哥奴之非
時望較之於此誠何足言天未墜於斯文上眷
求於舊德恭惟某官文貴乎道氣合於神學稽
古以知天心集虛而應物舊聞入洛之盛事疑
於古人追數過江之諸賢屹然獨在雖身居湖
海之遠而名滿覆載之間友人而遊帝居顧
肯復求於外物登泰山而小天下蓋嘗俯陋於
諸儒昨者法宮決事之初起於琳館燕居之際

力歸使節自乞守符觀其勇退於急流真若無
意於斯世迫功名之不赦凜風節之愈高姑復
領袖館閣之遊行卽几杖廟堂之上某自惟幸
會最辱知憐識度關之雲距今十載從浴沂之
樂終後諸生孤蹤愈遠於師門精意空馳於夢
想

賀謝提舉啓

伏審顯膺帝制起擁使華雖輿論歎然謂未究
渭南文集

卷之六

汲古閣

大賢之蘊然用人如此誰不知公道之行恭惟
某官躬真獨簡貴之資蘊篤實誠明之學早竝
遊於洛下晚獨步於江東談笑多聞文章爾雅
履常應變雖與時而偕行據古守經蓋絕世而
獨立風采聞於天下勞烈簡於上心自去清班
久安真館付功名於昨夢若無意然顧富貴之
迫人恐不免耳迨法宮之決事付便郡以優賢
曾未踰年已聞報政入膺三接之寵出臨千里

之畿明詔始傳吾黨相慶以謂名流之施設當有前輩之規摹班超之策平平陽城之考下下至於俗吏乃求奇功所願一洗簿書之塵庶幾少稱臺閣之望此自明公之所及豈須賤子之具陳冒瀆之深慚惶無措

賀禮部曾侍郎啓

恭審顯奉制書進司邦禮所養旣厚萬鍾亦何足言衆望所歸九遷猶以爲緩惟是老成之用

渭南文集

卷之六

汲古閣

式昭至治之符凡有識知誰不驩喜竊考六官之制本皆三代之餘惟宗伯之清華極近臣之遴選誠使此地常得其人則朝廷日尊自弭未形之患論議守正亦折羣邪之萌一昨多艱寔忘大體刑名錢穀獨號劇曹文物筭常僅同虛器蓋道由時而升降官以人而重輕苟凡材非據於其間則舊章何恃而不廢孰謂斯文之幸復聞公議之伸恭惟其官直哉惟清淵乎似道

心至虛而善應名弗求而愈高紬繹六經推剛
上世之絕學度越兩漢追配先秦之古文早竝
遊於洛中晚獨步於江左人誦其德家有其書
使少貶於諸公已亟升於率貫顧久幽而彌厲
凜自信之不同上屢興見晚之嗟公猶懷勇退
之志勉收功業於無復意之後起踐富貴於不
得已之餘黃髮皤然德容穆若咎者慶曆之盛
側席而致衆賢元祐之初加璧而聘諸老今茲
渭南文集

卷之六

汲古閣

盛事可謂無慚然猶漸進於省中未足大慰於
天下竊謂德齒之貴宜登師保之崇入則几杖
三雍之間出則卷繡百工之上使勲貴歛衽畏
楊綰之清朝埜洗心化毛公之儉紀話言於竹
帛肖形像於丹青垂之無窮然後爲稱某頃陶
善誘嘗辱異知雖俗勢於王公大人非迂愚之
敢及惟侍坐於先生長者尚夢寐之不忘逃聞
綸緋之傳獨阻門關之慶仰懷曩遇不勝下情

賀辛給事啓

恭審光奉制書就升鉅鎮用人惟己上方詢事
而考言知我其天公豈枉尋而直尺世不容而
何病道有命而後行雖殿藩猶屈於經綸然親
擢益知於眷注搢紳頌歎道路驩欣伏聞先王
相我後人上天爲生賢佐若時大任之降將啓
非常之元故必雍容回翔以養其康濟之才排
擯斥疎以積夫邇遐之望遺之險巇以勵其志
渭南文集

卷之六

汲古閣

待之耆老以全其能周公居東歸相成王之善
治謝傅高臥晚爲江表之宗臣勲名卒至於偉
然物理殆非於偶爾恭惟某官氣守剛大性資
方嚴其在朝廷有金玉王度之益其位嶽牧有
股肱帝室之勞指朋黨於蔽蒙膠漆之時發奸
蠹於潛伏機牙之始庭叱義府面折公孫可否
一語而不移利害十年而後驗人服其識家誦
其言皓首來朝方共推於宿望丹心自信寧少

貶於諸公洗鄙夫患失之風增善類敢言之氣
頰仰無媿進退兩高不可誣者忠邪之情不可
揜者是非之實出守未幾見思已深惟是謀帥
之難孰先舊德之舉然而方政機之虛席宜召
節之在途開慰斯民始自今日某迂愚不肖窮
薄多竒雖道德初心之已非猶節義大閑之可
勉側聞休命深激懦衷輒忘奏記之狂蓋出執
鞭之慕仰祈閱量曲貸嚴誅

渭南文集

卷之六

汲古閣

畚福州察推啓

識百卜鄰固常懷於鄙志杜門掃軌殊未接於
英游於此相逢慨然永歎恭惟某官城南舊望
江左名流高韻照人清言絕俗過眼不再真讀
五車之書落筆可驚倒流三峽之水豈有如公
之人物猶令隨牒於海邦政恐驛召之行弗容
席暖之久某奔馳斗粟流落二年久親柱後之
惠文高束牀頭之周易政須名理之語一洗簿

書之塵

賀何正言除左司諫啓

恭聞親詔登用大賢以白首魁偉之臣膺明時
諫諍之任善類相慶公道遂行竊以逆指犯顏
人疑於甚難而君子謂之易盛朝治世衆安於
無事而識者以爲憂然非身居獻替之官與夫
素著中外之望雖抱此識何自而言邈乎太平
之難逢考之前史而可見以正人遺聖主實惟

渭南文集

卷之六

汲古閣

祖宗敷佑之心而公議在朝廷豈非廟社無疆
之福恭惟某官心潛百聖學貫羣經老成之風
師表一世直養之氣充塞兩儀立朝寬大而持
平論事雍容而守正虛舟觸物此自信其無心
怒髮衝冠彼安知夫有體居多聖政之助始明
儒者之功非獨誠僞不可以欺要之忠邪久而
自判上眷旣厚人望又歸遂當登四輔之聯豈
久置七人之列某頃以樸學嘗預諸生雖在泥

塗猶是門闌之舊物竟無名第亦竊塲屋之虛
聲敢俟明公勲業之成勉繼輿人歌頌之作不
足爲報姑盡此心

賀湯丞相啓

恭審顯膺典冊進冠公台廷告未終摺紳相慶
郵傳所及夷夏歸心煥君臣嘉會之逢侈廟社
無疆之福恭惟某官民之先覺國之宗臣精義
探繫表之微英辭鼓天下之動至誠貫日歷萬

渭南文集

卷之六

汲古閣

變而志意愈堅屹立如山決大事而喜愠不見
一昨力辭重任之降屈居次輔之聯三年有成
九功惟敘方當詔令之誕布孰測謀謨之所從
凡有大政事之慰斯民咸曰右丞相之告於上
雖家置一喙以頌德士予千金而示恩竊揆其
情未至於此蓋廟堂之寄代天而理物帷幄之
算經遠而折衝平居用小大之材欲其披肝膽
以自盡一旦付疆場之事欲其捐性命而不辭

自非有以素服衆心則將誰與共濟大業晉文
側席於子玉回紇下拜於汾陽王商以忠謇立
朝則單于不敢仰視平津以媿嬰充位則淮南
謂若發蒙自咎論世之盛衰莫如置相之當否
譬猶震風凌雨之動地夏屋愈安鴻流巨浸之
稽天方舟獨濟人望所屬國體自尊今者大明
弼亮之勲正席辯章之任守文致理將見隆古
極治之時應變制宜必有仁人無敵之勇聖主
渭南文集

卷之六
十一

汲古閣

以此屬元輔學者以此望真儒行或使之天所
命也其猥以孤遠辱在記憐如其少遁衣食之
憂猶能頌中興之盛德必也遂老江湖之外亦
自號太平之幸民竊達皆出於恩私生死不忘
於報稱

神宗除刪定官謝丞相啓

收置鈞陶固已踰於素望責功鉛槧仍俾効其
寸長神觀頓還塵埃一洗欲敘丹衷之感不知

危涕之橫伏念某獨學寡聞倦遊不遂瀾翻記
誦愧口耳之徒勞跌宕文辭顧雕蟲而自笑低
回久矣感歎淒然使有一人之見知亦勝終身
之不遇然而稟資至薄與世寡諧在鄉閭則里
胥亭長之所叱訶仕州縣則書佐鈴下之所蹈
藉聲名湮晦衣食空無方所向而輒窮已分甘
於永棄侵尋末路邂逅殊私招之於衆人鄙遠
之餘挈之於半世浮沉之後旣賞音於一旦又
渭南文集

卷之六
十二

汲古閣

誦句於諸公豈料前史之笑談乃獲此身之親
見茲蓋伏遇某官斯民先覺吾道宗師大學誠
剛上下同流於天地至仁溥博遠近一視於華
夷和氣行禮樂之間治道出政刑之外惟公故
無所不取惟大故無所不容訖令頑鈍之資亦
預甄收之數重念某家世儒學非有旂常鍾鼎
之勲交友漁樵又無金張許史之助特緣薄技
獲齒諸生形顧影以知歸口語心而誓報死而

後已天實臨之

謝內翰啓

來自遠方驟參要局知其愛閑而多病故爲湔俗吏之塵勇於悼屈而哀窮故使汗清流之末繫禁近吹噓之過蒙廟堂選拔之優俯仰以息愧懼交至伏念某讀書有限識字不多歲月供簿領之勞衣食奪山林之志窮雖已甚狂不自懲性本懦弱輒妄希於骨體任由資蔭乃淡惡渭南文集

卷之六
十三

汲古閣

於膏梁坐此湮阨而莫收未忍依違而少貶比遊輦轂久困氛埃望見車騎之雍容傳誦文章之閎麗不勝慕鄉求備使令門墻纔許其一登聲價已增於十倍夫富貴外物惟事賢可謂至榮父子雖親然相知猶或不盡曾是疎遠至孤之迹又無瓌奇可喜之能不自省其何繇乃遽叨於斯遇非常之幸從古罕聞此蓋伏遇某官自剛而誠養氣以直行著四方之防範文專一

代之統盟勤於教人務傳聖師之道廣於求士
用報睿主之知豈謂孤生亦蒙至意稱於天下
曰知己誰復間然雖使古人而復生未易當此
惟誓堅於名節庶不辱於恩私

謝諫議啓

來自遠方驟參要局因書生鉛槧之業使效尺
寸之長脫俗吏簿領之煩曲從疎莖之性儻非
恩舊每賜揄揚自顧缺然何以得此伏念某讀

渭南文集

卷之六
十四

汲古閣

書有限識字不多歲月供道路之勞衣食奪山
林之志窮雖已甚狂不自懲材本懦庸輒妄希
於骨骸仕由資陰乃深嫉於膏粱衆惡所叢孤
生餘幾自頃竝遊於場屋亦嘗辱過於宗師徒
竊虛聲莫疇真賞一斤遂甘於踰蹻殘年絕望
於騫騰此在常情所宜顯棄豈謂并容之度未
移宿管之私旣許瞻君子盛德之容淵乎似道
又使知大人接物之際歡然有恩訖致庸虛誤

蒙齋錄此蓋伏遇某官養氣以直自誠而剛大
學中庸發揮千歲之旨生民清廟主盟一代之
文吾道由此而復傳善人有恃而不恐施及區
區之舊物不忘眷眷之深情求羸稱於門墻惟
益堅於名節死而後已天實臨之



清南文集

卷之六
十五

汲古閣

學中流

蒙齋錄

